

## Syllabus : Class-X : Social Science

### India & Contemporary World (History) : :Marks 40

Section 1.3 : Inclusion of the Princely State of Tripura to India in the Post-Independence Period Marks 03

- Rule of Maharaja BirBikram Kishore Manikya
- Rule of Council of Regency in Tripura
- Conspiracy to get Tripura merged with Pakistan
- The Initiative of the People of Tripura on the question of merging with India
- Role of Government of India on Tripura's inclusion in India
- Consent of Maharani and accession of Tripura to India

By Sukanta Chakraborty, Retd PGT, Shishu Bihar H S School

ত্রিপুরা উত্তর-পূর্ব ভারতের অষ্টলক্ষ্মীর অন্যতম একটি রাজ্য যার আয়তন মাত্র ১০,৪৯১-৬৯ বর্গ কিমি ; লোকসংখ্যা ৪১,৮৪,৯৫৯ (Estimated, ২০২৩) - এটি ভারতের তৃতীয় ক্ষুদ্রতম রাজ্য। ত্রিপুরা উত্তর, দক্ষিণ ও পশ্চিম দিকে বাংলাদেশ এবং এর পূর্বদিকে ভারতের অপর দুটি রাজ্য- আসাম ও মিজোরাম দ্বারা পরিবেষ্টিত। আগরতলা ত্রিপুরা রাজ্যের রাজধানী যার লোকসংখ্যা ৬,৩৪,০০০ (Estimated, ২০২৩)। রাজ্যের সরকারী ভাষা তিনটি - বাংলা, ইংরেজী ও ককবরক। বাংলার সুলতানি শাসনামলে ত্রিপুরা ছিল বাংলার একটি করদ রাজ্য। ব্রিটিশ আমলে ত্রিপুরা ছিল ব্রিটিশ সাম্রাজ্যের অধীনতামূলক মিত্ররাজ্য। ১৯৪৯ সালের ১৫ ই অক্টোবর ভারত সরকার আনুষ্ঠানিক ভাবে ত্রিপুরার শাসনভার গ্রহণ করে। রাজমালা, ত্রিপুরা রাজার chronicle, অনুযায়ী ভারতভুক্তির পূর্ব পর্যন্ত ১৮৪ জন রাজা ত্রিপুরা শাসন করেছিলেন।

বর্তমানে রাজ্যে আটি জেলা; ২৩টি মহকুমা, ৫৮টি ব্লক, ৫৯১টি গ্রাম পঞ্চায়েত, আটটি জিলা পরিষদ, নয়টি নগর পঞ্চায়েত, ১০টি মিউনিসিপ্যাল কাউন্সিল ও একটি মিউনিসিপ্যাল কর্পোরেশন রয়েছে।

#### ত্রিপুরা নামের বৃৎপত্তি

ত্রিপুরার পৌরাণিক মহারাজা ত্রিপুর-এর নাম হতে 'ত্রিপুরা' নামের উৎপত্তি হয়েছে বলে অনেকের ধারণা। ত্রিপুর ছিলেন যযাতির বংশধর দুহের ৩৯তম উত্তর পুরুষ। অন্য একটি মতে, পুরানে উল্লেখিত দশমহাবিদ্যার প্রথম মহাবিদ্যা- 'ত্রিপুরাসুন্দরী' হতে ত্রিপুরা শব্দের উৎপত্তি। তৃতীয় একটি মতানুসারে স্থানীয় ককবরক শব্দ তৈপ্রা বা তুইপ্রা হতে ত্রিপুরা শব্দের উৎপত্তি হয়েছে - ককবরক ভাষার তৈ বা তুই শব্দের অর্থ হল জল, আর 'প্রা' হল 'নিকটে'। তৈপ্রা বা তুইপ্রা (জলের নিকটবর্তীস্থান) থেকে ধীরে ধীরে তৈপ্রা, তিপ্রা তথা 'ত্রিপুরা' শব্দের উৎপত্তি হয়েছে বলে অনেকে মনে করেন।

## ত্রিপুরার রাজন্যবর্গ

ত্রিপুরার রাজাদের আদিতে পদবী ছিল ‘ফা’। ভ্রয়োদশ শতাব্দীর শেষভাগে ত্রিপুরার রাজা রত্নফা গৌড়ের সুলতানকে একটি অতি মূল্যবান মানিক দিয়ে ‘মানিক্য’ উপাধি গ্রহণ করেন, তখন তাঁর নাম হয় রত্নমানিক্য। রত্নমানিক্য প্রথম ত্রিপুরায় মুদ্রা প্রচলন করেন। ত্রিপুরায় আধুনিক শাসনব্যবস্থা প্রবর্তন করেন বীরচন্দ্র মানিক্য। ত্রিপুরার বিখ্যাত রাজারা হলেন :  
রত্নফা তথা রত্নমানিক্য

- ধম মানিক্য ( ১৪৫৮- ১৪৬২ খ্রিষ্টাব্দ )
- ধন্য মানিক্য ( ১৪৯০ - ১৫২০ খ্রিষ্টাব্দ )
- বিজয় মানিক্য ( ১৫৩২ - ১৫৬৪ খ্রিষ্টাব্দ )
- অমর মানিক্য ( ১৫৭৭ - ১৫৮৬ খ্রিষ্টাব্দ )
- গোবিন্দ মানিক্য ( ১৬৬০ - ১৬৭৬ খ্রিষ্টাব্দ )
- কৃষ্ণ মানিক্য ( ১৭৬০- ১৭৮৩ খ্রিষ্টাব্দ )
- কৃষ্ণকিশোর মানিক্য ( ১৮৩০ - ১৮৪৯ খ্রিষ্টাব্দ )
- ঈশানচন্দ্র মানিক্য ( ১৮৫০ - ১৮৬১ খ্রিষ্টাব্দ )
- বীরচন্দ্র মানিক্য ( ১৮৬২ - ১৮৯৬ খ্রিষ্টাব্দ )
- রাধাকিশোর মানিক্য ( ১৮৯৬ - ১৯০৯ খ্রিষ্টাব্দ )
- বীরচন্দ্রকিশোর মানিক্য ( ১৯০৯ - ১৯২৩ খ্রিষ্টাব্দ )
- বীরবিক্রমকিশোর মানিক্য ( ১৯২৩ - ১৯৪৭ খ্রিষ্টাব্দ )

## মহারাজা বীরবিক্রম কিশোর মানিক্যের শাসনবাল ( ১৯২৩ - ১৯৪৭ খ্রিষ্টাব্দ )

১৯২৩ খ্রিষ্টাব্দে মাত্র ১৬ বছর বয়সে বীরবিক্রম কিশোর মানিক্য ত্রিপুরার রাজা হন। ১৯২৮ খ্রিষ্টাব্দের ২৯ শে জানুয়ারী শান্ত্রীয় বিধি অনুযায়ী মহাসমারোহে বীরবিক্রম কিশোর মানিক্যের রাজ্যাভিষেক সম্পন্ন হয়। বীরবিক্রম কিশোর মানিক্য রাজ্যের শাসনভাব হাতে নিয়েই গোটা প্রশাসন ব্যবস্থাকে ঢেলে সাজিয়েছিলেন। ক্ষমতার বিকেন্দ্রীকরণ করে তিনি শাসনব্যবস্থাকে মন্ত্রণাসভা, বাবস্থাপকসভা ও মন্ত্রীপরিষদ- এই তিনভাগে বিভক্ত করেছিলেন। গ্রামের

জনসাধারণকে শাসন ক্ষমতার শরিক করার জন্য তিনি ‘গ্রামমন্ডল’ গঠন করেছিলেন।

প্রশাসন পরিচালনার জন্য দক্ষ অফিসার নিয়োগের লক্ষে বীরবিক্রম কিশোর রাজ্যে প্রথম ‘সিভিল সার্ভিস ক্যাডার’ গড়ে তোলেন। তিনি ‘বিদ্যাপত্তন’ নামক একটি পরিকল্পনার মাধ্যমে আগরতলার বর্তমান কলেজ টিলায় একটি নতুন ধরণের বিদ্যালয় কমপ্লেক্স স্থাপনের পরিকল্পনা করেছিলেন যাতে সাধারণ বিষয় সমূহের পঠন-পাঠন ছাড়াও কারিগরী, ডাক্তারী, কৃষি, শিল্পকলা প্রভৃতি বিভিন্ন বিষয়ের লেখাপড়ার বাবস্থা থাকার কথা ছিল। মহারাজা বীরবিক্রম কলেজের নির্মাণ কার্য উনার জীবদ্ধায় আরম্ভ হয়েছিল।

মহারাজা বীরবিক্রম কিশোর বহুমুখী প্রতিভার অধিকারি ছিলেন। তিনি সাহিত্য, শিল্প ও সংগীতে ছিলেন বিশেষ পারদর্শী। সংগীত ও নাটক রচনায় তিনি ছিলেন সিদ্ধহস্ত - তাঁর রচিত নাটকগুলির মধ্যে ‘চাঁদ কুমুদিনী’ ও ‘শ্রীরাধাকৃষ্ণের লীলাবিলাস’ বিশেষ উল্লেখযোগ্য।

## মহারাজা বীরবিক্রম কিশোর মানিক্য এবং ত্রিপুরার ভারতভুক্তি

ত্রিপুরার সর্বশেষ মহারাজা বীরবিক্রম কিশোর মানিক্য ভারতের স্বাধীনতা লাভের পূর্বেই

সিদ্ধান্ত নিয়েছিলন যে স্বাধীনতা লাভের পর ত্রিপুরা রাজ্য স্বাধীন ভারতের সঙ্গে যোগ দেবে। এই লক্ষে তিনি ১৯৪৭ সালের ২৮ শে এপ্রিল তাঁর মন্ত্রী গিরিজাশঙ্কর গুহকে রাজ্যের প্রতিনিধিরত্বে ভারতের সংবিধান সভা অর্থাৎ গণপরিষদে প্রেরণ করেন। কিন্তু দুর্ভাগ্য বশত ভারতের স্বাধীনতা লাভের কিছুদিন পূর্বেই তিনি ১৯৪৭ সালের ১৭ মে মাত্র ৩৯ বছর বয়সে মৃত্যুমুখে পতিত হন। ফলে ত্রিপুরার ভারতভুক্তি কিছুটা পিছিয়ে যায়। শেষ পর্যন্ত ১৯৪৯ সালের ৯ই সেপ্টেম্বর রাজমাতা কাঞ্চনপ্রভা দেবী ত্রিপুরার পক্ষে ভারতভুক্তির দলিলে স্বাক্ষর করেন এবং ১৯৪৯ সালের ১৫ই অক্টোবর ত্রিপুরা ভারত যুক্তরাজ্যে যোগদান করে।

### ত্রিপুরায় ‘কাউন্সিল অব রিজেন্সী’ গঠন

১৯৪৭ সালের ১৭ মে মহারাজা বীরবিক্রম কিশোর মানিক্যের মৃত্যুর পর তাঁর নাবালক পুত্র কিরিটবিক্রম কিশোর ত্রিপুরার রাজা হন এবং চাকলা রোশনাবাদ জমিদারির মালিক হন।

[ চাকলা রোশনাবাদ বলতে পশ্চিম ত্রিপুরার ৫৫৫ বর্গ কিমি সমতল জায়গা যা বর্তমানে বাংলাদেশের অন্তর্গত বুৰুয়ায় ] কিরিটবিক্রম কিশোর তখন নাবালক থাকায় তৎকালীন ব্রিটিশ গভর্ণমেন্টের সিদ্ধান্ত অনুযায়ী ত্রিপুরার শাসনব্যবস্থা পরিচালনর জন্য চার সদস্যক একটি ‘কাউন্সিল অব রিজেন্সী’ বা রাজপ্রতিনিধি পরিষদ গঠন করা হয় -

- ১। মহারাজী কাঞ্চনপ্রভা দেবী ----- সভাপতি
- ২। মহারাজকুমার ব্রজেন্দ্র কিশোর দেববর্মন --- সহ-সভাপতি
- ৩। মেজর বঙ্গবিহারী দেববর্মন ----- সদস্য
- ৪। সত্যব্রত মুখোপাধ্যায় ----- সদস্য

‘কাউন্সিল অব রিজেন্সী’ কর্তৃক ত্রিপুরা রাজ্যের শাসনভার গ্রহণ করার সাত দিনের মধ্যেই ব্রিটিশ সরকার ভারতীয় ডমিনিয়নের নিকট ক্ষমতা হস্তান্তর করে অর্থাৎ ভারত স্বাধীনতা লাভ করে ১৯৪৭ সালের ১৫ ই আগস্ট। সমগ্র ভারতের সঙ্গে ত্রিপুরারাজ্যও এইদিনটি যথাযাগ্য মর্যদার সঙ্গে স্বাধীনতা দিবস রূপে পালন করে।

### ত্রিপুরাকে পাকিস্তানের সঙ্গে যুক্ত করার ঘড়্যন্ত

ভারতের স্বাধীনতা লাভের কয়েকদিনের মধ্যেই কুমিল্লা ও ফেনী অঞ্চলের কিছুসংখ্যক মুসলিম লীগ সদস্য ত্রিপুরারাজ্যকে পাকিস্তানের সঙ্গে যুক্ত করার ঘড়্যন্ত শুরু করে। এই সময় পাকিস্তান কুমিল্লা ন্যাশনাল গার্ড ও ত্রিপুরার কতিপয় ব্যক্তির সহায়তায় ত্রিপুরা রাজ্য আক্রমনের পরিকল্পনা করে। যদিচ তৎকালীন পূর্ব পাকিস্তানের মুখ্যমন্ত্রি এইরূপ কোন পাকিস্তানি পরিকল্পনার কথা অঙ্গীকার করেন।

### ভারতভুক্তির প্রশ্নে ত্রিপুরাবাসীর উত্ত্যোগ

ত্রিপুরার অধিকাংশ অধিবাসী ত্রিপুরার পাকিস্তানভুক্তির বিরোধিতা করে এবং পাকিস্তানি আক্রমণ প্রতিহত করার জন্য সংঘবন্দ হয়। ১৯৪৬ সালে গঠিত ত্রিপুরার রাজনৈতিক সমিতি ‘ত্রিপুরা রাজ্য প্রজামন্ডল’ পাকিস্তানের আক্রমণের বিরুদ্ধে এক সশস্ত্র প্রতিরোধ বাহিনী গড়ে তোলে। এই সমিতি ত্রিপুরা রাজ্যের পরিস্থিতি সম্পর্কে আসাম প্রদেশের গভর্নরের সঙ্গেও আলাপ আলোচনা করেন, ত্রিপুরা রাজ্য কংগ্রেস কমিটির পক্ষ থেকে এই সময় সেক্রেটারী উমেশ সিং সহ, সুখময় সেনগুপ্ত ও অনিল চক্রবর্তী ভারতের স্বরাষ্ট্রমন্ত্রী বল্লভভাই প্যাটেল, ভারতীয় জাতীয় কংগ্রেসের সভাপতি আচার্য জে.বি.কৃপালনী প্রমুখ বিশিষ্ট ব্যক্তিদের সঙ্গে সাক্ষাৎ করে ত্রিপুরা রাজ্যের পরিস্থিতি ও ত্রিপুরার ভারতভুক্তির বিষয়ে স্মারকলিপি প্রদান

করেন। এদিকে আগরতলার চারজন নেতৃস্থানীয় ব্যক্তি প্রভাত রায়, জয়সিংহ দেববর্মা, কালুচন্দ্র ও প্রফুল্ল রায় শিলৎ-এ অবস্থানরত মহারানী কাঞ্চনপ্রভা দেবীকে পাকিস্তানের ষড়যন্ত্র বিষয়ে অবহিত করেন।

### ত্রিপুরার ভারতভুক্তির প্রশ্নে ভারত সরকারের ভূমিকা

তখন ভারতের স্বরাষ্ট্রমন্ত্রী ছিলেন সর্দার বল্লভভাই প্যাটেল। মহারানী কাঞ্চনপ্রভাদেবী পাকিস্তানের ত্রিপুরা রাজ্য আক্রমণের কথা ভারতের স্বরাষ্ট্রমন্ত্রী সর্দার বল্লভভাই প্যাটেলকে জানান। প্যাটেল উক্ত বিষয়ে আলোচনার জন্য মহারানীকে দিল্লিতে আমন্ত্রণ জানান। মহারানী দিল্লিতে পৌছে সর্দার প্যাটেলের সঙ্গে পাকিস্তানের ষড়যন্ত্র ও ত্রিপুরা রাজ্যের পরিস্থিতি সম্পর্কে দীর্ঘ আলোচনা করেন।

ইতিপূর্বে ১৯৪৭ খ্রীষ্টাব্দের তৃতীয় নভেম্বর ভারতের গোয়েন্দা দপ্তর কুমিল্লার মুসলিম ন্যাশনাল গার্ডের কার্যকলাপ ও পাকিস্তানের ত্রিপুরা আক্রমণের পরিকল্পনা অবহিত হয়। ভারতের তৎকালীন প্রধানমন্ত্রী পন্ডিত জওহরলাল নেহেরু পাকিস্তানের কার্যকলাপ সম্পর্কে গভীর উৎকস্ত প্রকাশ করেন। ৪ঠা নভেম্বর তিনি স্বরাষ্ট্রমন্ত্রী তথা উপপ্রধানমন্ত্রী বল্লভভাই প্যাটেলকে ত্রিপুরা রাজ্য সম্পর্কে প্রয়োজনীয় ব্যবস্থা গ্রহণ করার জন্য অনুরোধ করেন। ইতিপূর্বে তিনি আসাম সরকারকে এ বিষয়ে অবহিত করেন এবং পাকিস্তান সরকারকে টেলিগ্রাম মারফৎ সতর্ক করে দেন। তাছাড়া পাকিস্তানের ত্রিপুরা আক্রমণ ব্যর্থ করার জন্য ভারত সরকার আসাম থেকে উপযুক্ত সৈন্যবাহিনী ও অস্ত্রশস্ত্র ত্রিপুরায় প্রেরণ করে। এই পরিস্থিতিতে পাকিস্তান পিছু হটতে বাধ্য হয়। এইভাবে ত্রিপুরার ভারতভুক্তির পথ প্রশংস্ত হয়।

### মহারানীর সম্মতি ও ত্রিপুরার ভারতভুক্তি

১৯৪৭ খ্রীষ্টাব্দের ২০শে ডিসেম্বর অবনীভূষণ চট্টোপাধ্যায় ত্রিপুরা রাজ্যে দেওয়ান হয়ে আসেন। ইতিপূর্বে ত্রিপুরার মুখ্যমন্ত্রী সতৰ্বত মুখোপাধ্যায়ের পদত্যাগ পত্র গ্রহণ করা হয় এবং মন্ত্রী মহারাজকুমার দুর্জয়কিশোর দেববর্মনকে কিছুদিনের জন্য রাজ্যাস্তর করা হয়। ১৯৪৮ খ্রীষ্টাব্দের ১২ই জানুয়ারী 'কাউন্সিল অব রিজেন্সি' ভেঙ্গে দেওয়া হয়। ঐ দিনই মহারানী কাঞ্চনপ্রভাদেবী একক রিজেন্ট বা রাজপ্রতিনিধিরপে ত্রিপুরা প্রশাসনিক দায়িত্ব গ্রহণ করেন। এই সময় থেকেই ত্রিপুরা রাজ্যের মুখ্যমন্ত্রী, দেওয়ান নামে পরিচিত হয়। মহারানীকে শাসনকার্যে সাহায্য করার জন্য যথাক্রমে অবনীভূষণ চট্টোপাধ্যায়, বিজয়কৃষ্ণ আচার্য এবং রঞ্জিতকুমার রায় ভারত সরকার কর্তৃক দেওয়ান নিযুক্ত হন। অতঃপর ১৯৪৯ খ্রীষ্টাব্দের ৯ই সেপ্টেম্বর নতুন দিল্লিতে মহারানী কাঞ্চনপ্রভাদেবী নাবালকপুত্র কিরিট বিক্রমকিশোর মানিক্যের পক্ষে ত্রিপুরার ভারতভুক্তির চুক্তি বা Tripura Merger Agreement স্বাক্ষর করেন। এই চুক্তি অনুসারে ভারত সরকার ১৯৪৯ খ্রীষ্টাব্দের ১৫ই অক্টোবর আনুষ্ঠানিকভাবে ত্রিপুরা রাজ্যের শাসনভাব গ্রহণ করে। ত্রিপুরা রাজ্যের দেওয়ান রঞ্জিতকুমার রায় ত্রিপুরার প্রথম চিফ কমিশনার নিযুক্ত হন। উল্লেখ করা প্রয়োজন যে, ত্রিপুরা ভারতভুক্তির চুক্তিতে ত্রিপুরার রাজাদের জমিদারি এলাকা চাকলা রোশনাবাদের উল্লেখ ছিল না, তাই এই অঞ্চল তৎকালীন পূর্ব পাকিস্তানের (বর্তমান বাংলাদেশ) সঙ্গে যুক্ত হয়ে যায়।

১৯৫০ খ্রীষ্টাব্দের ২৬শে জানুয়ারী ভারতের সংবিধান চালু হয়। সংবিধানে ভারতের রাজ্যগুলোকে ক,খ,গ এবং ঘ - এই চার শ্রেণিতে বিভক্ত করা হয়। সংবিধান অনুসারে ত্রিপুরা ভারতের 'গ' শ্রেণির রাজ্যরূপে চিহ্নিত হয়। ১৯৫৬ সালের ৩১শে আগস্ট রাজ্য পুনর্গঠন আইন অনুসারে ১৯৫৭ খ্রীষ্টাব্দে ত্রিপুরাকে একটি কেন্দ্রশাসিত ইউনিয়ন টেরিটরিতে পরিনত করা হয়। ১৯৬৩ খ্রীষ্টাব্দে কেন্দ্রশাসিত আইন (ইউনিয়ন টেরিটরি অ্যান্ট) পাশ হয়। এই আইন অনুসারে ১৯৬৩ খ্রীষ্টাব্দে ত্রিপুরারাজ্যে প্রথম মন্ত্রীপরিষদ গঠিত হয় (১৯৬৩ খ্রী ১লা জুলাই) যাঁরা টেরিটরিয়াল কাউন্সিলের সদস্য ছিলেন তাঁদের নিয়েই বিধানসভা গঠিত হয়। সেই সময় থেকে টেরিটরিয়াল বা আঞ্চলিক পরিষদ বাতিল বলে গণ্য হয়। শচীন্দ্রলাল সিংহ ছিলেন ত্রিপুরার প্রথম মুখ্যমন্ত্রী। ত্রিপুরা আসন নিয়ে প্রথমে ত্রিপুরার বিধানসভা গঠন করা হয়।

১৯৭১ খ্রীষ্টাব্দের ৩০শে ডিসেম্বর তারিখে লোকসভায় উত্তর-পূর্বাঞ্চল আইন পাশ হয়ে যায়। এই আইন বলে ত্রিপুরা, মণিপুর এবং মেঘালয় পূর্ণরাজ্যে উন্নীত হয়। ১৯৭২ সালের ২১শে জানুয়ারী ত্রিপুরা রাজ্যে এই আইন কার্যকরী হয় এবং সেদিন থেকেই ত্রিপুরা রাজ্য পূর্ণরাজ্যের মর্যাদালাভ করে। সাথে সাথে ত্রিপুরার লেফটেনেন্ট গভর্নরের পদটি রাজ্যপাল পদে উন্নীত হয়। বিকে. নেহেক ত্রিপুরার প্রথম রাজ্যপাল হিসাবে কার্যভার গ্রহণ করেন। বিধানসভার সদস্য সংখ্যা বেড়ে হয় ৬০ জন। পূর্ণরাজ্যে উন্নীত হবার পর ত্রিপুরার প্রথম বিধানসভা নির্বাচন হয় ১৯৭২ খ্রীষ্টাব্দের মার্চ মাসে। পূর্ণরাজ্যের প্রথম মুখ্যমন্ত্রী ছিলেন সুখময় সেনগুপ্ত।

ত্রিপুরার আদিবাসীদের সার্বিক উন্নয়নের লক্ষ্যে ১৯৮২ সালে ভারত সরকার সংবিধানের ৭ম তফসিল অনুসারে **Tripura Tribal Autonomous Areas District Council (TTAACDC)** গঠন করে।